

Ugovorne strane:

Ministarstvo unutrašnjih poslova Kantona Sarajevo, ulica La Benevolencije broj 16, koje zastupa ministar Admir Katica (u daljem tekstu: Ugovorni organ) i

BOSMAN d.o.o. Sarajevo, ulica Rakovička cesta 18, Sarajevo, koje zastupa generalni direktor Jahić Sunija (u daljem tekstu: Dobavljač)

zaključili su:

UGOVOR

o nabavi usluga zakupa prostora za odlaganje privremeno oduzetih motornih vozila za potrebe Ministarstva unutrašnjih poslova Kantona Sarajevo

Član 1.

Predmet ugovora je nabavka usluga zakupa prostora za odlaganje privremeno oduzetih motornih vozila za potrebe Ministarstva unutrašnjih poslova Kantona Sarajevo.

Nabavka je izvršena u skladu sa članom 10. stav (1) tačka e) Zakona o javnim nabavkama ("Službeni glasnik BiH", broj 39/14) na osnovu Odluke o provođenju postupka nabavke, broj 01-11-4-4830 od 29.09.2020. godine, putem raspisivanja Javnog poziva.

Ugovor se zaključuje u skladu sa uslovima iz tenderske dokumentacije, ponudom Dobavljača i odredbama Okvirnog sporazuma broj 01-11-4-4380-4 od 12.04.2021. godine.

Ponuda Dobavljača broj 559/P/20 od 19.10.2020. godine je sastavni dio ugovora.

Član 2.

Cijena usluga iz člana 1. ovog ugovora iznosi 5.655,00 KM sa uključenim PDV-om, mjesečno, odnosno 67.860,00 KM sa PDV-om (šezdesetsedamhiljadaosamstotinašezdeset i 00/100 KM) godišnje.

U navedeni iznos uključeni su troškovi transporta vozila sa postojeće lokacije - Poligon Butmir.

Dobavljač se obavezuje na nepromjenjivost ponuđenih cijena tokom cijelog ugovornog perioda i da će pod istim uslovima u periodu trajanja ugovora pružati usluge zakupa prostora za odlaganje privremeno oduzetih motornih vozila za potrebe Ministarstva unutrašnjih poslova Kantona Sarajevo.

Član 3.

Usluga zakupa prostora za odlaganje privremeno oduzetih motornih vozila za potrebe Ministarstva unutrašnjih poslova Kantona Sarajevo će se vršiti na lokaciji Dobavljača u ulici Reljevska bb.

Član 4.

Ugovorni organ će ugovorenu cijenu plaćati Dobavljaču u roku od 30 (trideset) dana od dostavljanja pojedinačne fakture.

Član 5.

Dobavljač se obavezuje da ugovorenu uslugu izvrši u svemu prema propisima, standardima i normama kvaliteta koji važe za vrstu usluga koje su predmet nabavke.

Član 6.

Ukoliko poslije zaključivanja ovog ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u ugovoru i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja, imperativne odluke vlasti i slično.

Strana u ugovoru koja je pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 7.

Ugovorne strane su saglasne da sva eventualno sporna pitanja rješavaju dogovorom, štiteći obostrane interese.

Sva, eventualno sporna pitanja rješavat će se dogovorom, štiteći obostrane interese.

U slučaju nemogućnosti zajedničkog rješenja, eventualno nastalog spora, spor će rješavati nadležni sud u Sarajevu.

Član 8.

Ugovorni organ nema pravo da zapošljava, u svrhu izvršenja ovog Ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, nadležna za dodjelu navedenog Ugovora o javnoj nabavci, najmanje šest mjeseci po zaključenju Ugovora.

Sve eventualne dopune i izmjene ovog Ugovora moguće je obaviti pismeno potpisivanjem novog Ugovora, uz provođenje zakonom predviđenih procedura i uz saglasnost ugovornih strana.

Član 9.

U skladu sa članom 7. okvirnog sporazuma trajanje zakupa počinje nakon primopredaje predmeta zakupa i traje godinu dana.

Član 10.

Ovaj ugovor izrađen je u četiri (4) istovjetna primjerka, od kojih po dva (2) zadržava svaka strana.

DOBAVLJAČ
BOSMAN d.o.o. Sarajevo

generalni direktor
Jahić Sunija

Broj: 206/4/21

Datum: 07.12.2022



UGOVORNI ORGAN
MUP KANTONA SARAJEVO

minister
Admir Katica

Broj: 01-11-4-4830-5

Datum: 13.01.2021.